

CONCESIÓN DE INDEMNIZACIÓNS EN MATERIA DE SANIDADE VEXETAL

PUBLICADO NO DOG NÚM. 111 do 14/06/2021 a Orde do 24/05/2021 pola que se establecen as bases reguladoras para a concesión e indemnizacións en materia de sanidade vexetal na Comunidade Autónoma de Galicia e se convocan para o ano 2021 (código de procedemento MR465A)

PERSOAS BENEFICIARIAS

Poderán ser persoas beneficiarias das indemnizacións as persoas físicas e xurídicas e as entidades sen personalidade xurídica que sexan titulares de:

- a) Planta destinada a plantacións forestais de *Pinus sp.* que fose destruída como consecuencia da detección dun foco de *Fusarium circinatum* Nirenberg et O'Donnell.
- b) Planta destinada á venda de especies sensibles que fose destruída como consecuencia da detección dun foco de *Pseudomonas syringae pv. actinidiae*.
- c) Semente certificada de tubérculos de pataca, destruída en aplicación das medidas de erradicación de *Tecia solanivora* Povolny, existente en almacéns comercializadores situados en zonas demarcadas e con data de adquisición anterior á data de declaración desa zona como zona demarcada de *Tecia solanivora* Povolny.

A entrega de tubérculos de pataca aos servizos oficiais realizarase mediante sacos orixinais (sempre que non fosen abertos) ou nos sacos entregados por estes servizos. Emitirase certificado da cantidade de pataca entregada e posteriormente destruída, con base no cal se realizará o cálculo do importe da indemnización.

- d) Tubérculos de pataca de consumo producidos nas zonas demarcadas durante as campañas 2020 e 2021, plantados antes da declaración de zona demarcada e destruídos en aplicación das medidas de erradicación de *Tecia solanivora* Povolny.

A entrega de tubérculos de pataca aos servizos oficiais realizarase mediante sacos entregados por estes servizos. Emitirase certificado da cantidade de pataca entregada e posteriormente destruída, con base no cal se realizará o cálculo do importe da indemnización.

- e) Plantacións de tubérculos de pataca desenterradas e destruídas en aplicación das medidas de erradicación de *Tecia solanivora* Povolny.
- f) Semente destinada á sementeira de especies sensibles que fose destruída como consecuencia da sospeita da presenza de ToBRFV.

Serán obxecto de indemnización as plantacións realizadas en zonas onde se declarase como zona demarcada en aplicación das medidas de erradicación de *Tecia solanivora* Povolny, con data posterior á plantación.

REQUISITOS E FINALIDADE

1. As persoas solicitantes destas indemnizacións deberán cumprir os requisitos e os compromisos establecidos nas bases reguladoras desta orde.
2. A finalidade das indemnizacións é compensar polas perdas debidas ás medidas fitosanitarias contra as pragas de corentena que así se establezan.

PRAZO DE PRESENTACIÓN

O prazo de presentación de solicitudes e, se é o caso, da correspondente documentación será de **tres meses** contados a partir do día seguinte ao da publicación desta orde no Diario Oficial de Galicia. Para estes efectos, entenderase como último día do prazo o correspondente ao mesmo ordinal do día da publicación. Se o último día do prazo for inhábil, entenderase prorrogado ao primeiro día hábil seguinte.

BAREMOS E CONTÍA COMPENSATORIA

Establécense para a convocatoria 2021 os baremos fixados no anexo II da orde. A aplicación destes baremos estará limitada polo valor de mercado de acordo ao artigo 26, punto 9, do Regulamento (UE) nº 702/2014, da Comisión, do 25 de xuño, polo que se declaran determinadas categorías de axuda nos sectores agrícola e forestal e en zonas rurais.

ANEXO II

Baremo de indemnizacións para a erradicación da Tecia (Scrobipalposis) solanivora (Povolny)

Explotacións de produción de pataca.

1. Pataca de semente.

Establécese como indemnización pola non utilización da pataca de semente certificada un custo máximo de 0,70 €/kg.

2. Pataca de consumo producida na explotación.

Establécese como indemnización da pataca de consumo producida na propia explotación o prezo de 0,30 €/kg, intervida baixo control oficial da autoridade competente.

3. Plantacións establecidas en zonas infestadas.

Establécese como indemnización, tendo en conta os cálculos de estudo da cadea de valor e formación dos prezos dos alimentos do MAPA para o cultivo de pataca, 0,40 € por metro cadrado de superficie plantada.

Almacéns comercializadores.

1. Pataca de semente.

Establécese como baremo o prezo de compra, xustificado mediante factura de venda do provedor de pataca de semente.

2. Pataca de consumo, como consecuencia da detección de lotes contaminados.

Establécese como baremo o prezo de adquisición por parte dos almacenistas, que o acreditarán mediante a factura de compra.

Baremo da contía compensatoria en viveiros por pragas de corentena

- Baremo que se aplicará nas indemnizacións por *Fusarium circinatum*.

Plantas da especie *Pinus* sp.:

Dado que existe unha casuística de viveiros moi ampla, cómpre, por tanto, establecer un baremo diferenciado en función do número de plantas que se van compensar. A indemnización para calquera das especies forestais faise tomando como referencia un custo medio de produción (CMP) de 0,16 euros por planta e aplicando unhas porcentaxes decrecentes en función do número de plantas que se van compensar, e resultan os seguintes baremos:

1. Ata 150.000 plantas (90 % CMP): 0,144 euros/planta.

2. De 150.000 ata 300.000 plantas (85 % CMP): 0,122 euros/planta.

3. De 300.000 ata 500.000 plantas (80 % CMP): 0,115 euros/planta.

4. Máis de 500.000 (75 % CMP): 0,108 euros/planta.

O custo das tarefas de destrución compensarase ata un máximo dun 10 % do valor da planta destruída.

- Baremos para aplicar nas indemnizacións por ToBRFV.

Só se pagará o valor da semente adquirida que foi destruída xustificando coa factura presentada de acordo coa alínea c) do artigo 9.1.

- Baremos para aplicar nas indemnizacións por *Pseudomonas syringae* pv. *actinidiae*.

Dado que existe unha casuística de viveiros moi ampla, cómpre, polo tanto, establecer un baremo diferenciado en función do tamaño das plantas que se van compensar. A

compensación faise tomando como referencia un custo medio de produción (CMP) en función do tamaño da planta que se vai compensar, e resultan os seguintes baremos:

1) Estacas enraizadas: 0,20 euros/planta.

2) Planta en pot 1 ano: 0,95 euros/planta.

3) Planta de 2 anos ou máis, raíz núa: 3 euros/planta.

O custo das tarefas de destrución compensarase ata un máximo dun 10 % do valor da planta destruída.